

Hagdangz Gyaunde

美丽的校园

来宾市武宣县桐岭镇新龙小学六(4) 廖庆敏

Dahsau seizcin menhmenh byaij haeuj hagdangz dou, hagdangz dou couh lumj aen suenva nei gyaunde. Dahsau seizcin byaij daengz diegnywj, go'nywj daj ndaw namh laeglemx ndonj gyauej okdaeuj, go'nywj maj ndaej oiqtet heuswdswd. Rumzcin cififi, go'nywj binengneng.

Ndaw hagdangz dou miz aen gyaulyozlouz haj caengz sang ndeu, moix caengz miz cib aen gyausz. Baihrog daz gij saekhenj ndeyawj raixcaix. Daengngoenz ciuq roengzdaeuj gig lwenqda. Gyaulyozlouz baihnaj miz gomoegmienz ndeu, maj ndaej youh hung youh sang, gofaex caengz maj mbawfaex, nyefaex dauq hai rim dujva. Dujva lumjbaenz mwngz mbouj nyienh gou, gou mbouj nyienh mwngz, cungj lumj ganj nauhyied nei hai dwk. Gij va nding ndaej lumj feiz nei. Ndaw va daiq miz gij feih diemzsubsub, yinx baenz cien baenz fanh duzrwi daeuj gyaep, mbungqmbaj duz hung duz iq youq ndaw va mbin bae mbin dauq angq raixcaix.

Bingzbaiz gyaulyozlouz dwg aen suzselouz he, hix miz haj caengz sang. Baihrog daz ndaej hausaksak, ndaw suzse gvangqlangh ronghsag. Naj louz miz go rungz hung ndeu. Gorungz maj ndaej

heusausau mwncupcup, lumj aenliengj hung gang ok nei, mbawfaex doxdaeb doxdeb, laeuh ok gij ngauez daengngoenz baenz diemj baenz diemj. Gyoengq doengzhag gig maij youq laj gofaex dwk giuz, buet, guh yahndoj, diuqcag.....geijlai angq ha!

Hagdangz dou caen gyaunde ha! Gou gyaez hagdangz dou.

(指导老师:韦梅花)



Baengzyoux "Ged" Gou

我“小气”的朋友

来宾市武宣县桐岭镇
新龙小学四(1)班 黄榕柳

Baengzyoux gou heuh Siujmingz, bineix 10 bi lo. Bohmeh de youq rog guhhong, moix ndwen cungj geiq ngaenz ma hawj de. Hoeng de mbouj luenh yungh ngaenz, gou heuh de guh "baengzyoux ged".

Miz ngoenz he, gou caeuq baengzyoux gou bae haw cawx byaek, baengzyoux gou cawx byaek seiz sien cam gvaq roek caet dan byaek, dan lawz gyaqcienz cienh, de couh caeuq dan haenx cawx, cawx seiz, de lij ganggyaq dem, moix baez cungj ganggyaq ndaej noix gak baj ngaenz. Baenziengh gangj gyaqcienz, baengzyoux gou dwg mbouj dwg boux "nyaetsij"? Gou couh heuh de guh baengzyoux "ged". Baengzyoux gou dingq le, di ndeu cungj mbouj ndatheiq.

Song ngoenz gaxgonq, ranznden gou miz boux goenggeq ndeu, baenz bingh youq ndaw yihyen, mbouj miz vunz ciuqgoq. Baengzyoux gou rox le, couh bae yihyen ciuqgoq goenggeq, cawx haujlai mak bae hawj de gwn. Yienghneix mbouj gangj, baengzyoux gou lij hawj 50 maenz ngaenz hawj goenggeq. Baengzyoux "ged" gou, seizneix di ndeu cungj mbouj "ged" lo.

Neix couhdwg baengzyoux gou, boux vunz simsienh simndei ndeu.

(指导老师:黄教莲)



Baengzyoux Gou

我的朋友

来宾市武宣县桐岭镇新龙小学四(1)班 黄元宵

youzbyaij, baengzyoux gou cingq youq ndaw ranz yawj saw. Gou sing hung hemq de, de cix han naeuz: "Gou cingq yawj saw, mbouj bae lo, mwngz shwgeij bae ba!" Gou dingq le, ndawsim gig ndatheiq, cienqndang baema lo.

Ngoenz daihngaih, gou caiq bae ra baengzyoux gou. De dingq-nyi sing hemq gou couh ndatheiq gangj dwk: "Gou mbouj caeuq mwngz ndei lo." Gou hix ndatheiq gangj dwk: "Gou hix mbouj caeuq mwngz ndei lo." Gangj sat couh baema ranz lo. Doeklaeng,

baengzyoux gou yawj saw sat le, youh daeuj ranz gou ra gou lo, de doiq gou gangj: "Doiq mbouj hwnj, song ngoenz neix gou mbouj wnggai yienghneix doiq mwngz, seizneix raeuz itheij bae gunghyenz guhcaemz ba!" Dingq baengzyoux gou gangj sat le, gou hix mbouj ndatheiq lo, caeuq de itheij bae guhcaemz lo.

Neix couhdwg baengzyoux gou Dahhoengz, dou miz seiz gig doxndei, hoeng miz seiz hix nauh baetniuj.

(指导老师:黄教莲)

sij cozvwnz cingzgingj

Gaemdawz Song Mbiengj Cih "Caeuq"

抓住“和”字的两侧

"Gou damzdingz byaij daengz baihnaj 'hagseng', daj baihsuwx yawj daengz baihgvas baez he. 'Hagseng' gou lumj rox gij simsaeh gou, bouxboux daegbied dingqvah, naengh ndaej cingqlili, dinghdingh dingq gou hwnjdangz. Gou yungh faenjbit youq gwnz hwzbanj iq sij cih 'hwnj', ciepdwk doeg okdaeuj. Yienzhaeuh gou youh nyaenj aensing, yungh gij sing youh iq youh sep doeg baez he, neix dwg biujsi lwggunzbaengz mbouj

rox gangj vah haenx cingq riengz gou doeg. Gou youh sij cih 'hag' he, doeg geij baez le, yienzhaeuh hawj 'hagseng' aeu 'hwnj hag' song cih neix sij daengz bonjcozyez bae. riengzlaeng, gou cuengq roengz diuzbien hwnjdangz, song fwngz cuengq baihlaeng, gungj aenhwet, baenz boux baenz boux bae genjcaz. Lumjbaenz baihnaj lwggunzbaengz caen cuengq miz cozyez nei, cingq caj gou bae genjcaz. Gou fuz gaiqfwngz

lwg lwggunzbaengz he, lumjbaenz cingq bang de gaij cih sij loek haenx, aenbak lij naeuz: 'Wnggai yienghneix sij, gaej sij loek lo. Geiq ndaej caengz?' Ciepdwk gou youh yungh sing iqsep naeuz: 'Geiq ndaej lo.' Gou muenxeiq dwk ngaekngaek gyauej. Sawqmwh, aen'gyaeuj boux 'hagseng' he nyeng lo, gou sikhaek byaij daengz henz ndang de, yungh gij haeujheiq lauxsae naeuz: 'Hwnjdangz aeu ciensim dingq gangj, gaej guh

siujdungcoz, gaej baiqinzi. Rox lwi?' Gangj sat, gou fuz cingq lwggunzbaengz, youh nyaenj aensing naeuz: 'Lauxsae, gou loek lo, baezlaeng hwnjdangz gou itdingh ciensim dingq.'

"Yaek roengzdangz lo, gou lij sij mbouj ndaej biek gij 'hagseng' gou, gou lumjbaenz dingqnyi gyoengq lwggunzbaengz cingq naeuz: 'Lauxsae, caiqraen'."

(3)

